

# ننهجى الوطن فى النور

شعر

سمير الفيل

289

أصوات أدبية

## أصوات أدبية

سلسلة أسبوعية

تعنى بنشر الإبداعات المصرية


الهيئة العامة لقصور الثقافة

- تنهض الوطن في الثور - 289 - شهر - سمير الفيل
- الطبعة الأولى - إبريل 2000

باسم مدير التحرير على العنوان التالي :  
11 أ ش أمين سامي - القصر العيني  
القاهرة - رقم بريد : 11511

البريد







رئيس مجلس الإدارة  
على أبوشادى

أمين عام النشر  
محمد كشيك

الإشراف الفنى  
د. محمود عبد العاطى

رئيس التحرير  
محمد البساطى

مدير التحرير  
جرجس شكرى

سكرتيرة التحرير  
إيهال العسلى





## إهداء

إلى أصحابي القدامى والجدد  
بدون ترتيب للموت أو الحياة :

مصطفى الفيل

محمد علوش

على قنديل

صلاح جاهين

محسن يونس

عبد الدايم الشاذلي

محمد كشيك

د. لطيفة الزيات

مصطفى العايدى


يوسف القط

محمد النبوى سلامة

فؤاد حداد

فى حياتهم شعر كثير، وزهور

سمير الفيل



## نتهجي الوطن في النور

- أوراق منسية
- الأرض : فاس حديد
- وطن
- شاهد
- أغنية حب



## أوراق منسية

مكسور

وقانوس الليل بيطلق عتمة وضى

أنا قلبى واجعنى

وخايف أنطق أى

قدامهم لازم أبقى كبير

وصبور

واتكلم عن طاقة نور

ساكنة قلبى، ومالية كيانى

أنا أعدائى بيزيدوا

ولآ صحابى هما اللى بيقولوا ؟

مش لاقى نخل أرناح تانى على ضله !

العسكر خلعوا بياداتهم

فى المدن الزحمة... ضلوا

وسط "ميدان التحرير" الواسع

سكروا.. بعد ما صلوا

تنده تانى ياموت ليه علي إسمي

تنده ليه وانت عارف

.. إن الصورة مش صورتي

ولا عمر ده كان رسمي

\* \*

أفعد ع الكرسي الفاضى

من غير ما اسمي

تقف على كتفى حمامه

وينام منقارها على ياقنى

أنا أطق عياط

لما ألقاها بتشرشر دم

والطلقة كانت سكنها

م الأول

\* \*

من أول عمبول



ما اشتالتش زهرة  
ما حضنتش وردة، أو نسمة  
يمكن ساعة ما دُست اللقمة غصب عني  
ما وظيفتش أبوسها  
الضحكة بيطلع منها سوسها  
بتنخر في الرجفة  
تخليها ثبات  
أنا واحد كان حي ومات  
أنا شاهد - واقف على حيله -  
في جبانة الأوقاف  
كنت جرى فعلاً  
لكني دلوقت باخاف  
من ضلي  
ومن بكرة  
وم الشرطي

\* \*

اتصنت ع الليل ، ألقاه هو

اللى عليه بيتصنت .  
ويميل بظلامه عليه. يغطينى  
جل ما تطلع شمس تعرينى

\* \*

الجيش فى الصحرا مكشوف  
والإيد مهزوزة  
إزاي تمسك كلاشيكوف  
أنا قلبى يتهز من الذكرى  
ويرمى القهر والخوف  
الخوذة اللى فى اكتوبر لسه مرميه  
صدت م المطرة وصهد القباله  
الخوذة رمتنى على شتويه.  
فى ثلاثة وسبعين  
وسواعد الرجالة ..  
كاشفين الصدر . ويبعدوا  
مع الاستشهاد  
لساهم يتواعدوا

ويعلموا العلم الغالى

فوق التبة

ولما الريح يتهب الهبة

تزيح كل الأسرار

والقى الشهدا فى الحفر البرميلية

باصين ع الشرق بغل قديم

بيصوا نفس البصة الملبانة معانى

لسه رغم السنوات الخارصة سكنانى

باسأل وطنى عن الأوراق المنسية

عن الأقروال الكاكى : ليه طوياه؟

و"الساتر" فى مدننا

ليه هى برضه هداه

أسأل . جأوبنى الآه

واشعر إنى وحيد وغريب

لكنى عنيد

أستنى أبص فى عيون البنت

.. اللي مليانة حنان  
ألقاني أعود قلقان  
ده لأن الشمس بتبعد عني  
والنيل ساكت مش زى زمان  
بيفيض  
والإيد ..

مش ضاغطة على زناد  
أنا قايم اقطع كل راياتي البيضة  
اللي مرفوعة جوايا  
قايم أفرد موالى  
وأوصل فى غنايا  
وهاخطى السور  
وما اخافشى من العتمة  
لإني باحب النور!

## الأرض : فاس حديد !

ولقيتني تايه في المكان  
ياقرا الوجوه .. وماتقرانيش  
بامشي في جنازة بدون ألم  
لسه الطريق ضلمة  
.. يعتم في الرموش  
الضحكة للأطفال  
وأنا .. ليّ العدم  
الأرض فوقها .. شفت موكب للنعوش  
وحدى بافتش عن ضيا .. للذكريات  
فرع العنب .. دبل ومات  
أخضر ده كان  
دلوقتي اصفرّت عيدانه  
زى ما قلبي عروقه شددت  
عرف السكات

والنبض خداع للصحاب  
اللى بينعتروا فى أحزانهم  
وفى خيوط الزمان  
فارس أنا  
وبدون حصان  
ماشى باجوب "الأطلس" الجغرافى  
بسفينة ورق  
لو التفت للخلف مرة .. اتشنىق  
ياخدونى للسياف  
يطيح الراس  
ويفضل للجسد : ذراعين . ورجلين  
إنما الأفكار خلاص  
راسى مخاصم جسمى  
مصمم .. لا مناص  
إحساس يعذبنى فى حلمى  
وضحوى .. فى جميع الفصول  
إزاي تعيش بفكرتين

بروح نبى  
وجسم إنسان  
.. خُلِقَته من قلب طين  
إنت بعيد عن السمو والسماء  
أقرب لطيش الخلق  
فى لحظة نزع  
لو التفت للمعاجم اتشنىق  
خلفى إيدى بتزقنى  
صوت فى الأمام بيحثنى  
" إياك فى مرة تشتري ..  
أحسن تباع ! "  
باحطم الحكمة وروح الموعظة  
أكون بقلب كما الجميع  
نصه جروح  
والنص لجل أعانق الفجر الصبوح  
أنا بالتفت  
فجأة وحسيت بالألم

شيء لا يُطابق

دمي بحور

لكن حواليا بنات

" أنا قلت حورا "

هزوا دماغهم : " آه .. تمام !! "

أنا جوه صدرى خدتهم

اتلطحوا بالدم . والأفكار

.. وحزة السيف

إنما .. انهض جدار

وشفت جنات من نعيم

بساتين فراولة . وماجحة

.. وكنوز من كتب

أول كتاب قرئته

كان

بدون سطور

ثاني كتاب بدون سطور

ثالث ورابع ... ألف



دون كلمة ولا جملة وحيدة تدلنى  
جسمى القديم نفسه  
وعقلى بدون كلام. أفكار. رموز  
ضاع هيكلى الشباب  
.. فبقيت عجوز  
حسيت بإنى فاضى. محتاج معرفة  
صرخت  
شقيت الهدوم  
- " لا .. رجعوني للتعب وللهموم " !  
الخور بكوا .. ثم اختفوا  
واتكرمشت بساتين ..  
وجانى صوت.. يرمى فعلاً بالجنون  
- " إنت لعين  
خد راسك  
اطلع من مالك مدهشة  
عود يابن آدم  
للتعب . للأرض . لعفار التراب "  
وفرحت تانى بالألم . وبالعذاب

بسطور .. عنيا تقرأها ف كتاب

زى ما اكون

راجع لأرضى باتولد

أنا من جديد

أبكى وأرقص م السعادة الباهرة

وارمى الذهب

اللى خلبنى .. فى حودة م الحارة انتعرت

وقمت أعمل قاس حديد

قدمى زلت

فضحكت

ربطتها بقطن . وشاش

قلت فى سرى :

” لا عيش ع الأرض دى ”

لا بلاش ! “

## وطن

أهوى الوطن ده بالذات  
لأن فيه شباك بيطل منه طفلى  
وفيه قلة تروى الظما  
ونخلة تستر جوعى  
ويرقد فيها ضلى  
هو ده باب السطوح  
ودى عصافيرى بتزقزق غنا  
وإريال الراديو بيتحنى

الخريطة مطوية فى جيبى  
يا هلترى أنا حزين ولا تايه  
ولا العيب ده عيبى ؟

أحب مآل البحارة بعودهم زان

بضحكتهم

تمسح الإجهاد من الأركان

وأكره السكات

وأحب العيون

المليانة غزل . لخريطة الوطن

وأعرف ازاي أشهق للمطر

وأفتح صدرى للرداذ

القصيد العزاز

باتساند - أنا - على طوبهم

والخروف من جرانيت باعوزهم

واللسان الغريب

أنا وباه فى صراع

لأن البلد بلدى

والرمل عمره ما يتباع

والدراع .. اللى حارب

.. ما يعرفش الضياع

مهما تقطب الأيام جبينها

ومجد الليل في أوقات

هو ده دفتري : الطمى والميه الخلال

وهي الحروف راس مالى

هو ده التشيد اللي ما اتقال

وضيقة فتحات غربالى

يا عتبة الحارة يا معطرة هدمتنا

يا حنينة

وانتى بتلمسى أولى خطوتنا

أنا بافتكر ضمتك ليا

ومعفرة بالحنين والتراب إيديا

همس الزمن بيفوت

يفكرنى بزحف العنكبوت

ورعشة البدن فى البرد

وقلة القوات

يفكرنى بطلقة الرصاصه ع التبة

يفكرنى بريحة الأحية

الريح لما يهب هبة

يزيح الورق اللى دبله الغروب

فيصحي القرنفل

ويبعثه من السبات

أحب الوطن ده بالذات

أحبه : أرض وسما وبحر

لاين اسمه مصر !

- ١٩٨٧/٩/٤

(١)

بدمك تطهر الصحرا من الرجس اللعين

وتفضل المدن اللي غارقة في الأنين

بتفضل سنين

شائقة ولادها على مداخل البيوت

بيروت ؟!

وإيه كنت أعمله غير السكوت

غير انى أحول كلامى قطن وشاش

أنا اللي ما قدرت اخلقه رشاش

كنت باحلم أطلقه

فى صدر اللي غطى وشه

.. وقت الشوف

وكيل الأيادى. أدمى الكفوف

بعت - فى المنافى البعيدة - كل الحروف

كسّر القلم الشباب

لجمه بالموانع.. فأصبح كهل

بكى فى نص الليل

على الجيران والأهل

" ده انت عارفنى.. ناظرنى

فى الشمس .. تحت الضل "

من عينى نزعوا الدموع

وأدينى دايس وحيد

سكة مهانة وجوع

قالوا هنرجع بيوتنا

أوصف لى كيف الرجوع

طمسوا ملامح بكرة

وده اللي جاى على مهل

" بكى وخذنى فى حضنه :

أنا ما بعت الأهل "

\*



( ٢ )

فى عز الويل  
اترسم موت  
وطلقة فى صدر بيروت  
كان النخيل بينوح  
كان نيلنا - آه - مدبوح  
يجى .. ويروح  
يدخلوه الحبس  
يبص من خلف الزجاج  
يطلعوه افراج  
يشعرنى منظره .. بالارجاج  
وبغيمة من مطر بلون الدم  
بتطبع ع الباقية، فوق الكم  
لكنه من حلاوة الروح  
بيجرى فى القرى الحزينة  
يجرى وينطّوح  
يجرى وينسى .. ويفتكر ..

بيصفر لونه. ويهرب دمه -  
محتار أخاصمه. ولا أضمه  
أخمش وجهه الأليف بالضوافر  
ولا أخسس طميه.. أشمه ؟

\*

(٣)

أدلى إيدى فى التيار  
ابص صوابعى دم  
" شيلنى .. خيبتى يا عم "  
أنا أرتعب م اللون  
صرخة تغوص فى الزحام  
آهة بعرض الكون  
أدى جميع الخلايق  
ماشيين. ودايخة الرأس  
لكنها الحراس  
لسه جزمهم تقيلة

وكان ما شيء جرى  
وكانه لسه بطل : دياب . وسيف عنتره  
وكان لسه الخريطة  
طاوية المعاني البسيطة  
وكان لسه الساقية  
والغيط . وحيط الجامع  
بيشعروني بأمان !

(٤)

إيه يعمله فتى  
حارب فى جيش الملكة النظامى  
ومسكوه ببندقية من فلين  
إيه معنى كشف ملبان أسامى  
يرجع مقطّع .. من معركة "حطين"

\* \*

هل أرمى النيشان ع الأرض  
ولا أشيكه ع الصدر

هل أقرا صورة الفاخرة  
أم أرمى في السكوت  
أنا لا أراك بتردد  
وأنا على شأهذك  
أنا بانتحب .. وأرجف  
والنوهة بتأخذنى  
أنا أرمى وأندف  
أحزن حزنى الكبر  
أبكى العضم اللى باقى  
أحت التراب يستجير !

\*

١٩٨٢/٥/٢٨

## أغنية حب

"إلى مرفت.. أيام الضياء والجمال"

بتحيرنى ضحكك المفرودة

ترعشنى نظرتك الحادة

وعيونك فجر ما عدى

لسه نداه بيدرب جوه الصدر

حكاوى . وسحر أهات

الغمازتين

بيقولوا رموز. ويقربوا فى المسافات

دى عيونك

بتسافر للقطب تدوب تلجه

وبترجع .. تشتالنى فى الننى

اوعى تخطى , استنى

\*\*

الشهقة فى الليلة حجر

يا خريطة ملو الجسد  
دلتاك متشوقة لهطول المطر  
بأوان  
واسعة الأمانى  
وضيقة دروبك  
نابتة. من نظريزة توبك  
كل زهور العالم  
وغصونك  
ضلة. من تحت جناين  
عصافير بتشققشق  
فراشات بتحلّق  
وعبير فيروزي الصوت  
أنا كنت كتبت وصية  
وفتحت كتاب الموت

\* \*

بابحث من تانى فى كلامى  
وأمامى . أو خلفى . يمكن جوايا

فارس مهزوم . حالف ليقوم

ويدارى العجز

يتسند على ربح أمشير

أو على صهد يؤونة

\* \*

فى الجيش إدونا

مدفع باربع خزانات

وكوريك . وكمان أرؤانة

ودونا

ف أول خندق

وقالوا لنا : العركة بركة

العقرب لف

الهاون فرقع .

الدم فى عروقنا شف

مسكينة يا مجروحة الساق والكف

\* \*

بافتكرك . وباحاول أمر

فى دروب النسيان  
وباشوفك يا حبيبتى  
قريبة بروجك لى  
باتيقن إن العركة الجاية  
هاملك خطوتى. ذخيرتى . سلاحى  
صك الملكية . بالبيت . والشارع  
راجع  
وهاكون الأول والآخر  
ورفاقى نفس ظروفى  
لكن مش عارف  
فعلا هاتخطى خوفى  
ولا ...  
يظهر إنى باطمئن نفسى  
واسبح ف عنيكى المرعى الواسع  
جـرى فيه غزلان  
ماخبش قيد  
وأنا ليه ما اعرفش باقابلك



من غير مواعيد  
وباشوف طيفك ورد وتغريد  
وبصدفة قمر الليل ان شق العتمة  
في ميعاده  
وشموع انقادوا  
مرازيك خاوطنى  
وجناين جيتنى

\* \*

قاعد الف  
وبدى أكسر بالقبضة الدائرة  
العالم حيرة وانتي يقينى  
غطينى . اوعى تسببيني  
إلا بحكاية جيب الصحيان  
لعنيه السهرانة  
آه يانا .. يانا  
ياريتنى اقدر اشرح

وباريت يا وطنى تسرح  
فى الحلم  
زى ما باخد شنطة سفرى  
وجوه عنيتها باهاجر  
ما اقفشى على أى محطة  
وباخطى غيطان الفلفل والشطة  
كل المتاريس  
الأندال . المتاعيس  
الناصبين الأسوار . بئين الجواسيس  
وعيون بتبص لتحت الجلد  
وجوه خلايا البنى آدم  
\* \*  
الآن قلبى بيفرح  
وبيعرف طعم البهجة  
والضحك بيملا القلب  
بيتدفق مع نيل فى أغسطس  
زايح كل ركام العام الماضى

حكمت القاضي

أدفع فدية

وارتكب الجرم المقبول

الجلول. واضحك. وأنول

.. أملئ إنى آخذ بإيديكى. واخوض

.. فى بحيرة من ورد قرنفل

ونقوش فرعونى

مواويل

ويا .. ليل

آه منك مستقوى . وطايح فى الخاليق

يا شقيق الممالك . والغز

رفيق . السجانه ف عصر الفيديو

وشاشات التلفزيون ألوان : بال وسيكام

تعرفشنى خل الفزورة :

" إذا "أوغلى" باشا جاله زكام

تترج المحروسة

ويزوره سناجق كل الأقاليم

وان مات فى الحارة "سليم"

م الجوع

ياخدوه للدفن ف نص الليل

يا ليل

يا واجع قلبى بحكاياتك

جوه نسيجها الدم

اتلم . وروح . مجروح . أو مقتول

يا ليل يا مغول

ابعد عن شعر حبيبتي

اتقسم اثنين

ومنين تيجى نسد ابواب الزمن

ان كان يمنع خطاويك

\* \*

عايز يوم مفروده ساعاته. وثوانيه

ليه باتعكز على ألى. وانا بافرح بيكى

ليه انا اكون وياكى. وباحلم فيكى

أناديكى

وانا ضمك جوابا

أوعى تفارقيني

جوه ف صدرى. أو بصة عيني

باتعلق فى فروع الشجر الاخضر

وضروع البقر الوحشى

امشى .. فى جناين من عشب

حت جذع شجرة توت

توت .. توت .. توت

ومسير الحى يتلاقى

ومسيرنا يا ساكتين نضرب بالنبوت

ومسير ألقاها تضحك م القلب

وم الناحية دى تفوت

اتصنت نقر الكتكوت

نبشه فى البيضة

وأئين المسجون

\* \*

عالم مجنون . ومريض

لخبط حسى ومشاعرى  
جعلنى أسير الضحكة المكتومة  
لكن باهمس لك  
والخلق اللى متدلى على جذك  
مانع عنى الضحكة الخجلى  
آه يا رموش العين

البرد الموسم ده خشن لعين  
يا شمس . بترمى الضى على الناس  
ياوشم . حفرته على صدرى نحاس  
دوران . باجرى . يمكن اشوفك  
دوران . يا مسافرة فى اللحظة  
ومهاجرة فى الأيام  
هل ممكن دلوقتى أنام  
وانا ساند راسى على حجرك  
ومثبت عيني  
ف بحر عنيكى السوداء

\* \*

مستكفى بأن الننى يقول

قلبي المشغول

الطائر طيران

سابق النخل الل بيقفز من شباك القطر

وسابق فيضان النهر

ولاحق بالفضة المسكوبة م البدر

\* \*

استنى

قولى حدودك على قدى

ياما نفسى تعدى

جوايا

تسيبي عبيرك

خصلة من شعرك

منديلك

نخلك . نيلك

ده انا لسه باتهجي

أول حرف ف مواويلك

ما اعرفش من غيرك  
كان يبقى عُنايا ازاى ؟

\* \* \*

١٩٨٤/١١/٢٦



## رسائل منقوشة على جبين الولاد

- ندا الأرض
- الرحلة الأخيرة
- اعتذار لسليمان الحلبي
- عطش البرتقان
- خصومة
- سكة حضارة
- غنوة الطباشير



## نداء الأرض

”من شهيد في حرب أكتوبر لأبيه الفلاح“

• وبعد الصبر والفوران  
وبعد الحسرة والتوهان  
دموعنا ع الخدود سالت  
وعدينا

ما فوق المية والألغام  
ومدينا الخطاوى جيب لغاية قدام

\*

وكنت انت بطيبتك يا آبا جوايا

كما خوذتى هنا معايا

وكات بلدى بغيظها النادى بتعدى

وكان جدى اللى مات مقهور

هنا فى يدى . دما بيفور

\*

وحطيت القدم ع الجسر

لحظتها شعرت بمصر

بآلامها . بأحلامها

بترمي كل حملتها على اكتافى

وزاعقة فى .. كون عافى

\* \*

بسقينا .. فى غيطنا القبلى قاعدة تدور

بضحكة عيلى اللي ماشافش لسه النور

بدعوة شيخنا ع المنبر

بعود م القمح شب اخضر

بحنية ضهرى وقت الكف مابيكون

.. حاضن فاسى

بييت العيلة وبناسى

\* \*

عرفت صحيح

بان البسمة غايبة من زمان - يا أبا -

ولا سكنتش شفايفكوا

ولا عدت ليمتكوا  
ولا حتى رغيغ العيش بيتدور  
ولا التعريشة فى المصلى  
يزورها ربيعنا بتزهر  
عرفت ساعتها ده كله  
عرفت اكثر  
أخويا ليه  
بقى له سنين ماحطش رجله جوه مداس ؟  
وليه الهدمة دايمة فوق كتاف الناس ؟  
واختى ليه شوارها سنين بيتأخر ؟  
وليه بالجمعة ...  
... نلقى بيوت ما فيها لمبة بتنور ؟

\*

وعدينا  
وشلنا الرمل فى إيدنا  
أنا بوسته  
وعفرنا الوشوش منه  
وهللنا

فى لحظة ما العلم رُفرف . وعاد للشط  
فى لحظة ما انتظارنا المر .. ياأبا .. الخط  
علم بتدوسه أقدامنا  
وفيه نجمة غريبة بتكوى فى جراحنا  
وبصينا لقدامنا

\* \*

وبصيت - يا أبا - ما. اتهزيت  
لقيت مدفع بيضرب صدر اخواتى  
بيضرب ابنى الآتى  
وناوى يوقف التعدية  
قلت رخيصة يا حياتى  
ولجل النصر لازم ادفع  
انا اتعلق فى المدفع  
ضرب صدرى العفى اتقطع  
لكن موقعهم اتولع ..  
وعدى كل اخوانى  
ولو أقدر اعود تانى  
أعلق نفسى . واتفرتك

اعلق نفسى . واتقطع  
ميتين مرّة .  
عشان النيل معلمنى  
أفيض بالدم ولا أبخل  
عشان الغيط معودنى  
عيدانه الصبح فوق تطول  
عشانك إنت وبذاتك  
ولما كنت فى شبابك  
وضعت الروح على كفك  
وقلت لمصر : يا بلدى  
نادينى . دمي هيجابك  
وانا - يا ابويا - من صلبك  
وصدقنى  
بالاقى نفسى دمع وفى العيون جارى  
وهدمة فوق كتاف جارى  
فى رمل اتداس وعاد تانى  
فى راية فى السما شابطة  
فى إيد هابطة

بتضرب ليل سينا تعود

\*

ماخزينشي

وكفكف دمعك الجارى

أنا ابنك - يا أبا - ماموتش

وكلمنى

فى حين ما بتحضنك أرضك

ولوز القطن يتفتح

واختى جهرزوا شوارها

واخويا تشتروا له مداس

ماخزينشي

وقول للناس

أنا ابنى مات وكان فلاح

مع موته . ومعاه آلافا

يا مصر الليل خلاص انزاح

يا مصر الليل خلاص انزاح



## الرحلة الأخيرة

”إلى صلاح عبد الصبور“

اتعدت كل المراكب

تطوى قلوبها في الرجوع

وهي شائلة الرزق وافر

اتعدوا الولاد يعروا صدورهم

يغنوا للقمر طالع معافر

اتعدوا النسوان يوارىوا الباب

يبصوا ع اللى راجع فى خجل

وف صدورهم بحيرة من أمل

والفجر عود نفسه

يحضن الخطاوى الطيبة

ويكون رفيق

كل الشطوط موجهها بيوصل

مهما كان تقلك يا ضيق

\* \*

اتعود النيل اللي كان فياض  
يخش بلدنا مليان بالحنجل  
واتعود النخل النبيل  
يشرب ميته من سكات  
وتشرب القلل  
والناس فوقها خيمة الانتظار  
في كل بيت شباك  
وف كل حارة مغنى بريابة  
يحب حارته. وحبه صباه  
غنى معايا لفارس " دانثنواي "  
الراية كات مكسورة  
مغروس في جنب مصر : الآي  
غنى وقول مواويل  
ده ابن ريفنا العفيف  
" زهران " قتيل !

\*

اتعودوا الشعرا

يرحلوا بدون وداع

يتركوا من خلفهم المغنى . والأوجاع

وتطلع القصائد جُوب حوارينا

واحد نقص م الصف

خطوا لقدام . فى الزحام

آدينا .. آدينا

فى وجه الشمس مفرودة أيادينا

مبدورة فى الغيطان الخضر

غناوينا

رجلينا فى الطين : الفرايحى / الحزين

/ البكر .. منبعنا وعاطينا

منديل الغموس والفكرة

فاكك العصاة السوداء ..

.. من على عنينا !

\*

سكت الكلام وياك

وعينك تبص هناك  
للطفل يحبى فى الرفاق  
والأب على كتفه الهدمة دايرة  
ينطق كلمته بدون ذواق

\* \*

حببت . وبحت . وقلت  
صدرك يا صاحبي حنون  
” يا دى الألم فى القلب  
فتحة وكسرة وسكون“

\* \*

واحد من الصف فاتنا  
وبلدنا محتاجة  
احنا بنكتر .. بنكتر  
حتى حروفنا تزيد  
حناجرنا لا تسكت  
إلا بطلوع العيد !

\*

لساننى كما لسان صلاح  
اللى شرب من نيل بلدنا  
ومن ضلابة صلاح الدين  
عربى ومثى عربى  
كلامى فى الصباح فواح  
فرحة العودة . ومُر الأئين  
أنين بيوصل من تحت ضرسى يكون  
نفس أنين "عربى"  
متقيد الأيدين .. مسجون

\*

ابن الزقازيق  
البلد اللى بعثت فارسها يشق طريق  
ويفتح بالعزيمة مجرى للثورة  
يوسع ليكرة  
ويجدد الخُصرة  
يطبطن بالإيدين ع الضهور  
.. اللى كانت موطية ترتفع

على الكتاف اللي محنية .. تتعدل  
على العيون الخابية  
.. يصبح لها بريق

\* \*

ابن الزقازيق  
الأخ .. والعم .. والشقيق  
رغم شيبة الراس  
كان أكثر جيلنا شباب  
انكسر  
وانغرس في الصدر ألف حراب  
ياشعرا .. ياشعرا ..  
أوقفوا النزيف  
فكوا قيد عرابي  
ده دمه - آه - مهدور  
أيام تلف . تدور  
وبترجع الندهه  
ياشعرا .. ياشعرا

فكوا إيدىن الحروف  
خلوا كلامكم يقلع "الجرفقة"  
جوه الحوارى يطوف  
خلوه يغنى ع المصاطب للفلاحين  
ويدفع الدين  
ينور السكة . بمصايح الحقيقة  
وفك ضيقة  
خس بيها صنية  
.. حبيبها غاب ولا عاد يغنى لها  
أدى الحبيبة أسيرة هناك  
مين فيكوا يعدى لها ؟  
\* \*  
آه م السكات .. يغور  
خنجر يشق القلب  
آه م الصديق لما يسكت صوته  
( أنا ابن عمى حب  
وكات عشيقته مصر

عشائنها فات قوته  
صَبَّحَ عليها وحضنها  
راح وطب شهيد  
ع الصدر دمه علامة  
وف قلبي نار وقيد  
بابكى ليوم القيامة  
ده كان بيكتب شعر  
اخضر كما الموال  
كان كتفه حمال .. وكان  
ماشى فى سكتنا )

\* \*

يادى الأنين . وانت فايتنا  
لسه طويلة يا صاحبي سكتنا  
لون الرماد بتطل صرختنا  
لكن ضرورى ضرورى تعالى.ضحكتنا  
و "الناس فى بلادى"  
جمعهم الفرحة والمزايك



” أقول لكم ”

على سطح بيتنا ديك

يدن في ساعة الفجر

يادوب عشر مرات

يتوضى أبويا ويصلى

يدن الديك بإصرار

حتى طلوع النهار

\* \*

باشوف ريشه زاهى

وف ندهته

يشق عتمة الليل صباحى !

\*

أنا اتعودت عليه

صار انتظارى ليه أول

ومالوش نهاية

فى الليل اقوم اكتب

اخبى انكسار جيلى جوايا

اضحك . بتبكي حروفي  
تتلخبط الآية  
أعد الشعرا في بلادى  
واخدهم في حضنى لطلوع الفجر  
ينقص محارب  
من يرودة الصمت . ومن ارجاف البدر  
ياخذ سلاحه محارب  
مضروب وضارب  
ميدان القتال : الحقيقة . والحياة !!

\*

الآهة مفرودة باتساع الفجر  
ناشفة زى فرع جريد  
الفجر طالل من بعيد  
والجديد  
إن اللى غاب

باقية حروفه ف صدورنا  
ساندة - صح - ضهورنا

رافعة قورننا

وموسعة الخطاوى

منورة فى سكة الجموع

\* \*

اتعودت المراكب

تطوى قلووعها .. فى الرجوع !!

١٩٨١/١٠/١١

## اعتذار لسليمان الحلبي

الثورة بالنابيت  
الهوجة بالأحجار  
داست حوافر الخيل على السجاجيد  
الجمع الثوار  
من فوق على المدنة  
نده شيخ كان لابس العمة  
يارب .. يارينا  
تزيح لنا العمة  
الخلق متلمة  
تنصدي لبنادق الفرجة بالعصيان  
الازهر كره وش الأعادي موت  
وأعلن العصيان  
كل المجاورين

حطوا المصاحف تحت باططهم

وخرجوا بالألوفات

(شرجاوى) مات

ضربوا البارود فى الصدر

كان راكم ويبصلى

- "يارب يا متجلى

إسند ظهورنا .. قوى عزيمتنا"

وعيون من الشبابيك بتبص ع الحاصل

تخلع أساور من الذهب وتبيع

الكل حامل ع الكتاب همّه

اتفجرت بمبة حديد

اتفرقوا فى الحارات

.. رجعوا واتلموا !

حطوا قرآنهم على صدر الشهيد

حلفوا ينتقموا

خرجوا الميدان

الضرب فى المليان

تتهز أعمدة الرخام  
تتشقق الجدران  
والقبة تعلو بالندا .. والآذان  
طالع ما بين الدم والدخان  
” هربوا الممالك بالذهب والحريز  
إحنا سكتنا كثير  
وياما ورونا  
ميلنا .. ركيونا ..  
من بعد دي العركة  
البلد .. احنا اللي نحكمها .. “  
الدهشة تحت الحواجب .. فى العيون  
ده فعل مش أحلام  
” بولاق “ بتصنع بارود  
ومشمرة الاكمام  
” باب الفتوح “ حاطين أمامه كمين  
- ” ياربنا يا معين  
انصرنا ع الكفار “ !

\* \*

طابور معدى بالجياذ مزهو

الشُّقر . حمر الوجوه

فتى نحيف .. وقضوه ..

- " فين السلاح خبوه ؟ "

خدهم وراه من زقاق لزقاق

شناور لهم بالايدي

وف لحظة كانوا وقيد

لنار بتنزل من كل بيت فى الحى

الشعب واقف حى !

فارد بإيده كلمته

طالع يقول قولته

- " الأرض دى أرضنا

ما نرضى بمذلة ! "

شرب الجريح آخر شربة م القلة

وبطرف عينه نظر هناك لبنت الجيران

من خلف شيش بتطل

” - يا جنرلات فرنسا .. أيه الخل ؟ ”

نصبوا المدافع فوق

على تبة القلعة ..

ضربوا بعماهم ع العيال والحريم

الموت دخل فى الأزقة

خلع الأبواب

اتشقت آيات .. على حيطه الأزهر

غلب البارود .. شجاعة النبوت

\* \*

وكليبر المنفوخ صدره ماشى بيعاين

يلقى الشباب مقتول

وفى الإيدين نابيت

يشرب إزارة النيت

ويغرض الأتأوات

يسجن شيوخ عمرهم فى الصحن بيصلوا

يشنق ولاد الصعيد ..

.. على الوطن طلوا \*



يمشى بمداسه فوق كتب الازهر  
فرعون . ومنتجّر  
إيده على صدره . وعينه ع الدكاكين  
مقفولة مش فاخّة  
يرفس فى جرحى بيكملوا الفاخّة  
كات البلد فاخّة شباك انعتاق م القهر  
والجزية من دمهم  
بيدفعوا الشبان  
آدى السما بارحة ..  
زراقها فيه م الحريق عواميد من الدخان  
فكره البلد بلده  
خدها تكيه . يدوس فيها بالساهل ؟!  
” سليمان “ وشاف منظره  
ساكت ومش قادر  
” سليمان “ رهيف القلب  
عمره ما كان قاتل  
لكنّه جَز على السنان .. دمّع

جنرال فرنسا ماشى متلمع

على صدره ألف نيشان

والطيلسان محبوبك

يضحك بعلو الحس

يدمى الضمير الشوك

\* \*

م الشام وجيت اتلقى علم

على إيدى الأزمهر

ليه ألقه دم وشظايا .. وموت

أنا حلمى بيتكسر !

\* \*

لكن بيلمع فى عيونه بريق

يتسور السور فى المسا الاخضر

يتخفى فى جنينة سارى عسكر كبير

العقل فى التفكير ، والرب فى التدبير

يتحسس الخنجر

يرتعش م القلق

ببغسله اللحظة : الانتظار والعرق

الانتظار

حزة السيف على الرقبة !

\* \*

مصر باينة تبكى وتنهنه

كل الحوارى طافية "المنض" ساكنة

الكلمة مدبوحة . ومشي باهنة

يتسحب العود النحيل

يطلع الخنجر

يارجفة الدم . ويارتعاشة الأطراف

بالخوف يحس . وبانتفاض الشام

- حقيقة مش أحلام -

غرس خنجره . وما خاف

صرخة تدوى : "كليب مات !!"

\*

تعلم البيوت بالموت

تزغرت القلوب . وتنشفي

والفرحة جـرى فى الأرقـة  
ترمح .. وتنخفى  
وانت يا عود أسمر : ضحية وانتقام  
رعود فى ليل الشتا  
يريق فى حالك الظلام  
جرت الخيول فى السكك  
تتصنت الخطوات  
صوت فى الآدان :  
- " كليبر مات "  
قامت بلدنا من تانى  
تفتح بإيدها بابها اللى صدى  
وتلمع القناديل  
وتعلق المناديل  
ترقص ورا الأبواب  
خائفة الفرجة . والعسس . والكلاب

\* \*

وانت يا عود الزان يجلدوك

ويقطعوا لحمك

وياكلوه ني

لكن الوطن قام حي

\* \*

ديوك تبح الصوت

تنادي زيق م الضى

وانت ياعود الزان

ليالى القهر قدروا يعلموك

إنك خارب الغول

\* \*

ما أعظمك من خنجر قدرت تقول

ما أروع الكلمة فى ليالى السكات

يا صاحبي ياللى بعث الروح

ما أنبلك ..

كان الضمير الحى جواك

مقتلك

وفيه حياة مصر . عشقك الأول

يا ارحال الشام . حلم حرية  
نفسى اقبالك يا سليمان واسألك  
إزاي قدرت ترفع الخنجر  
وانت كنت جعان  
قتلك كليبر  
سأب برنا .. بركان !!

١٩٨٢/٤/١

## عطش البرتقان

” إلى أطفال يافا “

يافا متوضية

فاردة سجادة الصلا ع الشط

ف أيدها بندقية

حام الحمام . وحط

كانوا البراعم يترنموا بأغنية

يغطوا عنهم بالأيدى متحنية

دم شهدا

أبيض بلون البداية

أحمر بلون الدم

حط إيدك يا عم

إسند على كتفى .. وظل

شام هناك ريحة البارود والفُل

سامع بوندك صرير القيود

الطير اللى اتفرع وهج  
بيرج الأرض رج  
وحروفنا النبيلة  
منحوتة فى البيارات . وجاعيد الوجوه  
احنا ان نسينا نتوه  
وان شلنا قتلانا على الكتاف  
وجوه القلب  
بقينا !

\*

يافا متوضية  
والقدس فى الحراب بتصلى  
خالعة المداس .. والقلق  
جبهتها فوق الأرض  
قايمة من بدرى تأدى الفرض  
تمسح الإجهاد  
وتغسل وشها بالضى  
صوت الإرادة حى



أطفالها رافعين قبضات  
فى وش الموت  
وداع يا سكة سكوت  
حجارة تتحدف وتتخلق رعود  
الأرض لازم تعود  
تبارك الخلاق  
وبث فى الضعف الصمود

\* \*

أسلاك وشابكة  
تنزف فى قلبى والوطن ضائع  
لكن يا أرض يظل ليكى الصوت  
أطفالها رافعين  
قبضات فى وش الموت  
أطفالنا .. أطفالنا  
رصاص بيئز .. ينقص الاولاد  
تشدد قامتها البلاد

\* \*

بلاد تشم اليود . وتعطش للبرتقان

على تلال من عضم

بتترعش آية من القرآن

صورة حصان راح لشمس الميلاد

الأرض ليها عبير بيفوح .

وزهور زنايق ندية

و " يافا "

لسه شايقها متوضية !

١٩٨٢/٥/١٣

## خصومة

‘ إلى ولد مجدع ‘

خاصم النيل الفرات

خاصم النيل السوبات

ووقف غريب

فى أرضه يتلقّت

نده السواقى نده

طلت وما اهتمت

فرت الجميزة من وشه

كان الألم برسيم وبيحشه

يرميه لماشية هزيلة بتدوسه

وانت يا نيل راكد . مابتفيضش

الناس مابتنامش

\* \*

كأت الخيول جئرى ومذعورة

كأت القيود فى الإيدى

من ورا الصورة

\* \*

ولد .. وحب الوطن

فك رموز الفجيلة

باتت بلدنا ع الشوك بتتقلب

تقلت عليها الوجيلة

بص بعنيه .. واختصر

كل المسافات الوضية

وشدد زوادته

قال لامه قولة بمواجه

رايح .. ومش راجع

لكن الوطن اللى ضايح

بكرة يكون راجع

كتب جوابه . وأرسله للنيل

ونسى يلزق عليه طابع

\* \*

قال لحبيبتة الأصبلة

لجل تعود النجيلة

لازم نذك قيوذه

وبكرة لما يعود . في البر شادد عوده

بيعت نسايمه العليلة

شمميه لولادك

وقطميههم علامك

ما باليد حيلة

اللى مسافر لها

من بدرى رقدت عليلة

دواها عارقه . وحاجيه

حاسقيا تشفى . واموت

يوم لما اغيب عنك

هزى ف شجر التوت

وغنى غنوة "ياسين"

ياسين يا قلبى الطعين

غنيت في وقت البكا

أيه خدته غير الموت

\* \*

وصاني احكى لك مش عارف

واختصر زيه

كل الرموز والحبكة والدهشة

غاب

وساب في قلبي الضحكة . والرعيشة

عمل اللي كنت عايزه وعاجز

خطي في لحظة كل الحواجز

وانطرح جسده على الأسفلت

قفل في جوايا

بقايا الشك !

\* \*

النيل اتلفت له . وشاله

والغيط الزتوني اللون

غطاه بشاله

\* \*

نظرة عنيه اللي متحددة  
جدلت مشنقة للعدا  
وانا العاجز فى ساعة الإمكان  
على الخريطة تابه  
محشور فى عقارب الأزمان  
مش قادر احكى حكايته وابوح  
ولا قادر افتح صدرى  
أورى لأولادى الجروح

\* \*

تسلم إيدك يا ولد  
واخبي بقية الحروف فى الورق  
احلامي م الانتظار تنسرق  
باعصر دماغى وافتكر  
الضى كان راحل ويا التزيف  
وكان أسود بكرة  
لكنه انبثق نافورة من ألوان

وفى الإمكان  
صرير القلم يقول  
لكن جسارة القول بتضنيى  
تلون سنيى  
بالعذاب المستحيل  
الليل الكحل جوايا راح  
لكن لسه ما انتصبت الأفراح  
لسه انكسار امبارح المقتول  
ولسه بيسنوا الرماح.. المغول  
والقلعة .. لسه حواليتها حصار  
ما يقدر عليه يا صاحبي  
إلا ولادة نهار!

\* \*

١٩٨٢/٥/١٥



## سكة حضارة

إلى د. زكى نجيب محمود

الأرض دى حبها جدى

وابنى الصغير

بيجى على ترابها الندى

ساعة ما تدعك عنىها الشمس

تناوب

يصرخ المنشار

ودقة المسامير بتجاوب

والضهور اللي اتفردت لساعة ليل

تبتدى موال الشقا

فتخجل بحور الخليل !

\*

الأرض دى باحضن ترابها

واشمه عرق

تاريخ كفاح طويل  
كتبه جنود "الكامل"  
لكنه اتسرق  
وجمّلوا به المتاحف  
بدل الولاد ما يقروه  
وفي الفصول  
اللى ليلها مناكف  
بالصوابيح النحيلة، يقروه  
\*  
كنت شريد فى الشوارع  
وكان ممكن أتوه  
ساعة مايتذكّر  
الفرجة بتسللوا حت جنح الليل  
بتسوروا حيطان الجوامع  
ويقصفوا سعف النخيل  
ويهدموا القبة خضرة  
لأن الوالى نام بلا حذر أو حيطة

اسأل الخلق

ع السكن والوطن .. والخريطة

\*

تاخذنى عيون العسس

والإيدين السناكى

تستجوبنى تحت البواكى

تطردنى فى البرد بلا مرسى

ولا مينا

كانت أبجديتى مستباحة

وأشعارى حزينة

\*

لكنه بوجهه الأثير الملامح

طبطب بإيده على كتافى

كان راكب حصانه اللى راح

فى سكة حضارة

نخيلها بيفرد الضلة

دى زهرة غرسها

دى كمنجة هز أوتارها  
وده شياكه ، عليه قلة  
واللى بيجرى يم الغيط  
فى "ميت الخولى عبد الله"  
طفل شاحب الوجه ، عذب الصوت  
لكنها السنين بتمر  
والليالي تفوت  
يصبح الطفل الصغير  
ضمير العصر

\* \*

وشمعة تنور  
إذا ما دهمت العتمة حوارى مصر!

\*

١٩٨٦/٤/١

## غنوة الطباشير

" إلى معلم ابتدائي "

في لحظة ما الشمس تنزل  
تنقر بضيقها على البيوت  
في لحظة ما الأيادي الصلبة  
تعزق .. أرض خضرة ف ريف بهوت  
والعصافير الطليقة ترح  
في فضاءنا الحبيب  
ويفوت ببيع الحليب  
على الأبواب يدق  
وقتها فيه ضي يمشق  
.. الظلام

\* \*

باسمع دقة الجرس  
باحس بالونس

وبافتكر يا معلم مصر  
زى ما افكر الآدان  
وانت جوه الفصل  
سوى كنت فى البنادر  
أو بعيد .. بعيد  
فى الصحارى والبرارى والنجوع  
رافع راية الإصرار  
ما يهملك لو حتى يفوت اليوم . جوع  
إنما يطلع نهار  
وتوصل كلمتك للولاد  
اللى هما  
.. لازم فى بكرة على طول البلاد  
يمسحوا الإجهاد  
ويبدّلوا التقطية  
يبدروا البسمة على وش بلدنا الحبيبة  
بلدنا المداوية الطيبة  
بلدنا الحنونة

اللى بخطوطنا فى كراسات الولاد

بنحط أول طوبة

ويعلا البُنا .. عالى

أنا ابن خالى

كان مدرس ف ابتدائى

سنه سنى

لكن فيه رزانة الشيوخ وهادى

كان يحط إيدته على اكتافى

ويبص للفضا ، يلمح

بكرة جاى بلون الإخضرار

كان يحب الضى ، يهوى النهار

يحلف بالكراسته، والقلم ، والكتاب

إن المعلم يكفيه

راحة الضمير ، ومحبة الإله

كان يحلم كثير، لكنه عمره ماتاه

ويوم ما راح الميدان، فاتنى وراه

غاب .. غاب ولا رجعتش

حسيت بأن الوطن له فقيـد  
وشمعة كانت فى الظلام بتقيد  
وإيد .. بتنشر العلم  
تبدر حروف المعرفة  
تقاوى خير  
بافتكر الكلام

\* \*

ساعة ما القلم يكون له صرير  
أحنا بداية المشوار، وأول المصير  
صرف الأفعال :  
كان .. يكون ، صار .. يُصير  
علموا الأولاد حروف أعظم أبجدية  
وفتحوا قلوبهم والعيون  
( ضمة وفتحة وسكون )  
يا أَلَم فى القلب . يا فرحنا المكنون )  
كون فى الأراضى زرع  
وف المصانع تروس



وف الوجوه عيون

تبتسم لى الدنيا

ساعة ما التلامذة يجروا بالشنط

يسابقوا العفار

\* \*

هما دول اللى من بكرة يكملوا المشوار

ويكونوا شعلة نار

ويكونوا وردة على جبين نهر

وضحكة لبلدنا الحبيبة

بلدنا العفية : مصر

\* \*

أبجدية ندية، طاهرة، بريئة

لكن جدورها حكي نضال السنين

عم ( النديم ) اللى كان يجوب مصر ، يولدها

ياخد بايدها

يخطى الحفر والصعاب

باشوف فى عيونكم

تعب الليالى . ومشقة السنين  
حروفكم تضوى  
ميم . صاد . راء  
يا عظمة الحروف . يا بكاره الأسماء

\* \*

يتهجوا الولاد . يكتبوا  
على الصعب - بالعلم - يتغلبوا  
إيدى على إيدكم  
وكتفى بيلامس كتافكم  
آدى بلدكم قدامكم  
قوموا .. وصلوها لبر أمان  
علموا أولادكم الحروف الأبية  
آدى طريق واضح :  
كتاب . وغصن زتون . وبندقية

\* \*

إيدى على إيدكم  
بلادكم

عاقدة الأمل عليكم  
وانتوا شايئينها ف عنيكم  
ودايسين  
.. بالكلام السكوت

\* \*

كل ده باشتوفه  
ساعة ما الشمس تنزل  
تنقر بضيتها على البيوت  
في لحظة ما الشمس تشرق  
تنقر بضيتها على البيوت !

\* \*

١٩٧٨/٤/١٥



## تقاسيم الحزن والفرح

- بتارين
- شعاع
- الفكرة
- الوصية
- حارتي ساكتة
- أسود وأبيض
- قلبي اتوضى



## بتارين

فى العالم الحزين

أبو البتارين إراز

والمطر رذاذ

والخواجه الرخام

باسمع نحيبك فى الزحام

ارتعد

واحس بالمسافات تدوب

وبالفصول تمر

ودقات القلوب

بالحجارة من فوق الجبل

تدرب ع الطريق

أحس ان أنا الغريق

وعنيك شطوط بتبعد

مش طوق نجاة  
أحس إن الآه  
على طرف اللسان لسه متعلقة  
باحس إن اللفا  
مكن.. ومش مكن يتم  
أحس إن صدر الأم  
صار أدفى من امبارح  
احس إن النخيل طارح  
بلح أحمر  
وحلم نشتهي  
باحس بالبداية  
.. والقلق  
امسح بطرف كمى نغمشة العرق  
أدب بقدمى فى العتمة  
أحاول افكر  
من كام ما قلمى غنى ع الورق ؟  
من كام ما قلت الشعر



لكن جوه قلبى اتخزن  
ومرة لما صاحبى اندفن  
بكت عليه كل الشوارع  
والوطن  
سندت كوعى على شاهده الرخام  
نزلت دموعى فى مقابر "الإمام"  
ومشيت فى طوفان الزحام  
.. ألف .. وحيد  
إيدى يتبحث عن رفيق  
أو عن حبيبة  
خريطة للوطن  
بيت للسكن  
شطرة من الشعر  
أو مطلع قصيدة  
تمسح الأحزان  
ناهت خطايا ماالتقيت  
غير نورسى الحزين فى الشط

كان يبرف  
قلبي قرب يكف  
عن الخفقان  
وريحة الدخان  
شميتها فى الشوارع والمدن  
اللى بلا صحاب

\* \*

الكل سافر لبلاد البنكنوت  
الكل سافر للصقيع والموت  
والدم ع السونكى لم يجف  
وداع للانتظار . والسكوت  
شفت العروق خلف الجلود بتشف !

\* \*

الكل سافر . وبلا حس البيوت  
صاحب ترك لى نبتة زرعها من أسابيع  
وكل يوم أفوت  
أبكيه بقلبي الوجيع

وجثة الكلام ع الأرض مرمية

أنا شلته بين عنيه

إنما

حاسس بحزن فرعونى قديم

ويحواقر الممالك فى ليل القاهرة

وجبة الضرايب فى الأقاليم

يا فرح لا تسافر

يا حزن لا تستديم

\* \*

أدى الحجاب مزقت أوراقه

وباشرب ميتة يمكن أروق

والشوق

بيرسم سكتة . وحدوده

دون قيود

ولما بانام

باشم ريحة البارود

ندهته : اتساع عيونه السود

أريح الراس على مخدتي

أحاول أنسى

إنما

في العالم الحزين .. الملان ألعاز

كل شيء يختلط :

الدم والمية

الرمل والجاز

وسط الضجيج : لا حياد

إنما انحياز

في العالم الحزين

أبو البتارين إزار !

١٩٨٦/٢/٢٢

## شعاع

" إلى روح القاص الطليعي : يوسف القسط "

في العتمة يفلت شعاع

في العتمة ناس تكي

من شدة الأوجاع

تسمع أنينها يقوت

يرعش في شارع حزين. وشجرة توت

في العتمة

أحب الشعر . بكارة المعنى . صرير القلم

تدمى شجونى الورق

أكتنم في قلبى الألم .

\* \*

دى صفحة بيضا ولا دى خفقة علم

بين السطور

الوطن باشوفه يتبدى  
قُلة . ونسيم بحرى . وغلة  
هامة مسلة .  
مصلى .

نوارس بحر . وضلة  
ضحكة لابنى الصغير  
ورشفة م القلة

\* \*

ده حلم زارنى وقلت  
زى العيار انضرب  
لكنه فات لى الصراع  
ساب الصدى . والصوت  
وجدار لبيتنا اللى ضاع

\* \*

بيتنا العتيق .. ابو عتبه من جرانيت  
بيتنا اللى كان المغنى والحواديت  
الجدة . والعفاريت

أبو سور نعدى بجسدنا النحيل منه

وغيرنا مايعديش

من يوم ما باعه "الوالى" للأغراب

صار غُصة جوه القلب

رغم الحنين

حُط ودانك على صدرى

أهين يا زفرة أنين.

\* \*

قديم ولونه بنى عتيق

ماسك صديقى لسه صندوقه

حافى القدم والشعور

كان حاضنه من شوقه

وأنا لوحدى

لكن جميعهم فرادى ؟

( معقول ابتدوا من بدرى ..

حرب الإبادة ؟ )

ابنى الصغير محمد

من فصله جاب لى الورق  
وبإيده كشف الأسامى  
خباه فى عبه. ماوقفنى قدامى  
شفتيه بيبكى . وشه كان مخطوف  
ولما خرج الضيوف  
حضنته . فسألنى  
أنا اتخرست ساعتها وكأنى  
باسترجع حكاية جدتى لأمى  
الدم ده دمي  
اللى فى سينا غسل الرمل بالسنوات  
اصحى وايات  
التقى الكون بلا بوابات  
وحتى كل الصور  
مرمية فى الطرقات ..  
انا دمي مية ..  
ولا لسه دمي حامى  
وريتى كشف الأسامى ..

\* \* \*



تتقلب الأوجاع . أسير تابه

خطوى كسير

لكن . جوابا فاهم الحكاية

الآية مقلوبة

مين يعدل الآية ..

\* \*

كله انهزم يا صاحبي ..

إلاك ..

باللى فى عز العتمة

قدرت تفلت شعاع

فى اللحظة اللى افتكرونا

إن املنا ضاع

\* \*

وف طلعتك للحق

كان للسكوت طعم

وللألم معنى

وكفاية إنك قدرت بالموت . جَمَعْنَا !

## الفكرة

إلى ضاحى عبد السلام، وسامح الحسينى، امتداد الإنشاد<sup>٩</sup>

الفكرة زى السيف على راسى

وصهد خط الاستواء

الكلمة عاجفة البدن

والضرع مايبدر

.. حر ، كأنه الجحيم

المعنى يضمننى

هو الكلام الفصيح

بياخذنى فى حجره

بيحمينى

\* \*

لكنى يابكى الوطن

والخارطة مفرودة

الراية على طول البلاد مطوية

وأدى السهما سودة

ويبدب الخرص

راس الخليفة التقى ملفوف فى قلب بساط

فى كل حارة فانوس بيطفوه العسس

وف كل بيت .. كان عياط

لكن ولد حافى فقير

بالكم مسح الدموع

رافع ف راسه

.. وحلمه .. آه .. موجه

ماشى وخت الباط

كسرة من العيش

وعود كرات

بقدونس اخضر

وفاخ بالصواب كراسة . يتهجى

عكا بتقفل الابواب

.. فى وش الفرجة

كان العساكر يتلهّوا

وطابت المأجّة

والمدفع اللى دمر البيوتات

خلى "عويضة" مات

\* \*

لكن "منيرة" بتفرد شعرها وتفوت

الموت قصاها تعبها

وكفوفها تتحنى

النيل ميعاده جه

ولا زى عوايده غنى

كل اللى عيوا دهب

هربوا . وركبوا الجياد

- "بعودة ايام القهر ياسادة !"

كالعادة

هربوا بجواريههم

على وصول أو وشك

بركان يا صاحبي فى صدرى يتحرك

والدق ع الابواب هنا .. خافت

” - وقع كانون الخطب

خليه على قدك “

البت شافت وجوه حمرة

وأكيد خافت

\* \*

كان اللسان معوج

وزراير العسكر بتتلّمع

الشيخ على المنبر . يادويه بيطلع

وقف الكلام فى الخلق

قام دمع

\* \*

يا اهل الكنانة

بلدنا دكانة

آدى الشباب عاجز

آدى الشيوخ بيموتوا ف امبارح

\* \*

كان يرتعد . والبصّة تخرق جدار

يهتز عوده النخيل

والناس بترفس خجلها

الكلمة بتفح نار

وضروري هيقولها

\* \*

صف العساكر بيدبوا بسواري

كل الحواري منداسة بجزمهم

طلّع من العب مصحفه . وعيّط

والخلق شهقوا

شريان بينزف . والدم بينقّط

\* \*

لكنه آخر الصلا

دعا إن كل غريب

يطويه ردى أسود

وآدى ست عجوزة قاعدة بتعدد

- "يابن قلبى . امتى بس تعود

أوهب سنين العمر . بيها أجود  
يا بن قلبي . النار ما انطفأت . عميتني دخانة  
مفتوحة ضبة ومفتاح .. الجروح  
والخلق زهقانة "

\* \*

بلدنا عطشانة  
والقلة متعلقة في رقبة السياف  
ست عجوزة قاعدة لجل تنوح  
تدلى إيدها مجعدة في النهر  
الخصوف في سلتها  
خطه فوق القبر  
- " من شهر بيتنا بنام من المغرب  
العين ما تغفل لحظة بالراحة  
كل العصافير في العشش تبكى  
والدمعة فضاحة

\* \*

دى راس يتخرج عرفانة مبلولة

ودى إيد تشد الجسد

النظرة مدهولة

الملح لا بيض رشوه فى ليلة السبوع

- " والبيضة عشرة دينار

الموت .. وناس بتجوع "

النيل بيفضح جسوره . ومقياسه

النيل اللي طول عمره

.. بيفرح ناسه

والخلق تطلع له بصبيانها

ترمى بناتها تستحمى بطميه النضيف

لكن شكله مخيف

وبيوت على ضلها بتتساند

\* \*

هى دى صورة الأمس

ولا ده شكل اليوم

فيه بوم

.. بينعى النخيل



وقوم يلموا البلح  
قلب العيال الجرح  
كان نفسي بفرح فرح  
لو بس شمس الشروق  
تميل .. وهو سمح

\* \*

إدن يا عمى "عويضة" لجل الصلا  
إدن بعزم الصوت .. وهـد الخلا  
إنده بصوت مسموع  
كل الغناوى ماتت بحسرة جوه الضلوع  
ماكانش القاتل فقر ..  
.. أو كان جوع  
ده كان الحلم دوسنا عليه  
إنده يا عمى "عويضة" .. عرفنا الداء

\* \*

الشمس متعامدة على السرطان  
بعيدة ع الاستواء

بيوت بتفتح كل شبابيكها  
يخرج ولادها يشاركوا لم الخطب  
لابد نشعل سكاننا ليلة الغضب  
ونقرا في وهج النار  
.. كلام الكتب !

١٩٨٧/١/٢٠

## الوصية

أوصى حبيبتي إن تبقى أم  
تفتّح الشبابيك في الصباح للشمس  
وفي المساء للقمر الرومانسي الوردى  
تضحك لما عليها يعدى  
وتغنى للأطفال في ضياء الشحيح  
غنوة يشتالها الريح  
بمطوحها في غيطان القمح

\*

أوصى حبيبتي ان تبقى أم  
تخرج طفلها يلعب في تراب الرقاق  
يتخانق مع الرفاق  
يتشد شعره، يشد في شعورهم  
يدخل بيوتهم .. يزورهم

ياكل الكسرة اللي ياكلوها  
يبقى الطفل اللي كنته  
شريد . وجايع  
اللي فتح عينه على عتمة الحارة  
ونور الشارع !

\*

أوصى حبيبتي إن تبقى أم  
تعلم الصبيان من ولادها  
إن الحارة حارثهم  
شبابيكها . وبيبانها  
عملتها إيدين أبهاتهم  
وان السنة بتدور فصول  
والأرض في الفلاحين  
تحضن البذرة . تدق محصول  
وان بكرة أجمل من امبارح  
مهما كان قاسى وطويل

\*

أوصى حبيبتي ان تبقى أم  
تصاحب البنات من ولادها  
تغنى لهم أغانيها  
حكى لهم حكاويتها  
أحنا اللي جويتنا الخواري بلاصحاب  
غير العسس وراتا .. والكلاب

\* \*

حكى بدون دمعها ما بقر  
حكى والقمر الرومانسى الوردى  
فوقها يمر  
ويشق ظلام الليل  
وقتتها يبان  
.. وجه مصر النبيل !

\*

١٩٧٧/٨/٤

## حارتي ساكتة

"إلى مدينة دمياط. أواخر الخمسينات"

حارتي ساكتة

مش بتضحك، مش بتبكي

وان اجاها المغنى. غنت من سكات

وان عروسة جه جوازها

علقوا لها منديلين

وان قطس راجل بهمه

صوتوا يادوب صوتين

والشبابيك اللي كانت تنفتح على همس صوت

المسامير والبلادة فقلوها

الببيان ما يمر منها إلا بصة

بصة فيها الحسرة والغیظ والتشفی !

\*

الحارة دى اتغيرت

ما عادتنشى حارنى

الحارة دى صابنتها عين

داع لعين

ومالوش أطبا

حبة حبة . يكلموها بالإشارة

وانا ماشى فى المسا. قابلنى جارى

ضحكته مالهاش رنين

بصته مالهاش بريق

خدنى فى حضنه بكى

سابنى وحدى ع الطريق

دون ما يسأل عن ولاده

والقمر ما انتصبشنى فى السما

على حين ميعاده !

والولاد ليه غابوا من خلف البيبان

ماطلعوشى بالفوانيس والأغانى

خدنى فى حضنه وبكى

سابنى فى همى غريق !

\*

يا قمر غايب مافوتش ع المدينة

الوجوه ان شفتها صفرة حزينة

والبيوت صالبتها موت

موت رمادى ديبه هامد

موت مهوش قدسى وجيل كما فى المعابد

إنما موت . فيه ملامح صلبة قاسية

والجواد رغم اللى شايفه لسه راح

مين يراهن ع الجواد أبو ألف كبوة

مين يراهن ع الجواد أبو ألف جرح

.. وميت نزيه

مين يراهن والطريق مليان حجارة ؟

مين يراهن . ده الديب سامعه خفيف

يمشى السكة . وما يخافشى الخسارة ؟

\*

يا قمر . اشهد ناديت بعزم صوتى



واللسان إن جف  
هافتح صدرى . وأعمل قلبى شعلة  
( ضلمة بتعفر طريق كل اللى رايح  
خوف بيشجى . قلع مطوى . حزن بارح )  
إنما الباهت فى أخانته  
جواد الصبح دابسه  
يا قمر . إشهد وبكرة الخلق طالعة  
م البدارى زارعة أرض . وهى قالعة !

\*

حارتنى ساكتة  
إنما سكوت اللى عارف  
مش بتضحك  
إنما مين اللى يضحك يوم عليها  
هى عارفة ويوم ما تملك  
راح تصيح الصيحة  
تفرد صدرها . وتزيح سارقها  
بكرة هى تبل ريقها

يدن الديك ع الجدار  
( زى ما قال قبلى شاعر )  
والمشاعر هي دمع الفرح  
وأغاني الحقيقة  
وان قابلنى فى المسا جارى اللى عايد  
ضحكته هاسمع رنينها  
بصته راح اشوف بريقها  
هاخده فى حضنى . ما اسيبه  
وحده  
واقف ع الطريق !

\*

١٩٧٨/٩/٢

## اسود وابيض

فاتوا الحرس

وعدوا م الساحة

فاتوا راكبين الجياد

\* \*

فاتوا الحرس

ولسه الشجر أخرس

النهر ساجى . كتوم . بلا دفقة

مفروش مر القصر بالسجاد

\* \*

حتى الفراش انكمش

على الزهور الحزينة

بلا رقة .

صوت الحمام انحبس

والمركبة ماشية دون هزة الدقة

والجو كله جراد

\* \*

هى ضروع البقر

جواها الحجر لى

لكن برغم الحزن

لسه دايرة عقارب الزمن

\* \*

إصرار وحتمى وقوة

عجينة الشعر لينة

وأيده الحنينة

وبصته نسمة

\* \*

ضحكة السلطان

جلجل فى عرض الملكة وجول

فرمان يقول

ان النهاردة تتنصب زينة

وتتصيح وجه المدينة

بالألوان

فالיום بداية الأعياد

يلبس جميع الأولاد

شارة الحداد !

\* \*

١٩٨١/٢/٢٢

## قلبي اتوضى

\* إلى بنت مصرية بافتش عليها من ١٠٠٠ سنة بدون جدوى \*

لما شففتك

قلبي اتوضى . وصلی

وعذابی زاد فی قریک

آدی شباکک زتونى

لیه عیونى

.. تبص له دایما فی خلصة !

\* \*

لما شففتك

الزمن ما صبحش فارس

لمس إیدک . کان بصدفة

كنت حاسس

إنى ماشى  
بين غصون مانجة وفراولة  
أما شفتك طفلة تابهة ف ليل طويل  
عود بيتفجر بمعنى  
إنما فأكره نحيل  
فلتي كلمة. وابتسمتى  
كانت الشنطة ف إيدى  
والعفار لسه بيجرى  
نفسى اشم البحر  
.. اضم اليود ف صدرى  
الكلام كان زى أشعارى الحزينة  
ماله مرسى ف أى مينة  
إنما مغسول تعب . وشقا سنين  
آه يا حزن سنين أنين  
النهاردة باغنى غنوة ليك ف بعدك  
وانا لسه أسير مكثف  
نفسى آخدك . جوه حضنى

نفسى اضم الجرح . من أعوام بينزف

المطر ببيل شعرك

أعصره ف قلبى المهاجر

ليل وقادر

نيل . وكنا جوه مركب

وقت مغرب

ناحية الشرق نعدى

والنخيل الصبح أخضر

السعف مغسول . وزاهى

يا فرح . زارنى النهاردة

راح احط ف شعرها الفاحم ده وردة

وابتسم ليها

غادرنى يا صمت سجنى

\* \*

الكلام عاجز على قول الحقيقة

وانا مسجون فى الشهور.. ف أيام

.. وحتى فى الدقيقة



حب وفروعه حزينه

هل بتهزمنى اللوايح . والقوانين الرصينة ؟

إحنا حبيننا . وراضين بالإدانة

من سعادته .. مين يخاف ؟

حب مش محسوب

ومش طالب يكون له إعراف .

حب .. هوّ جه لوحده

عدى حاجز

لسه حاجز جاى بعده

\* \*

زى وردة تفتح العين فى الصباح

تلقى النداء فوقها يقطّر

حتى أكثر

آه يا قلبى نفسى تهدي

إهدى واتكلم بفعل وروح ومنطق

بص للشمس بتشرق

وارسل النورس يجوب فى فضا البيوت

بيتها فين ؟  
انت وحدك . تعرفه لما تفوت ..  
لما توصل  
تلقي زهرة مفتحة . وشمس هلة .  
دى حبيبتي  
روح وهات منها ابتسامة  
بكرة شايفه جاي أحلى  
آجى .. ولا  
ياللى قريك لما يبجي الصهد  
- واحلف - يبقى ضلة !

\*

١٩٨٦/٢/٢٠

## عفار الخنادق

- فى الخندق
- صور من سيناء
- وتندق قلوب العصافير
- اللعبة



## في الخندق

” القدم جنب القدم

والعينين مصلوبة

الدم صيغ العلم

والصدور متقوبة “

\* \* \*

في لحظة الدانة بتهرش في دماغ الصمت

قمت

خدتك حبيبتى في ضلوعى

وخونتى في دراعى

عارى الدماغ والجس

باجرى وقدمى يتعتر . وازحف

كل الزمايل بيفكروا في البيت

( أبو الفتوح ) في المرة الحبلى

والولادة والحاض والجأى  
شأيل على دماغه سبع سموات  
و (حجازى ) فى الأم الحزينة  
على ولدها فى حرب عدت  
الحرب تاخذ . والناس ما قضت  
وأنا بافكر فيك  
وانغمس فى الفكر وعنيا بتدمع  
أفكر فى الضحكة واللمة  
أتسمع  
صوتك خافت خفوت الشمس  
جوايا كالأعاصير  
وأنا بافكر  
فى اولاد حوارينا الغلابة  
اللى بيحجروا ع الحناطير  
فى ابن الأجير  
وابن الفقير  
اللى التوتاية مرضعا هم م الحكاوى الصبر

واللى حسرتهم بتجرى فى دماهم  
وف حلقهم بطعم الصبر  
بافكر فى عيال الصعيد السود  
فى البيوت الحجارة  
ونشفان العود  
فى بهانة ومحمود  
فى فتحى وام السعود  
اللى الحدود غايبة  
رغم مكنة الطحين دايرة  
ترمى الغلال دقيق مدروس  
ماشفته يوم يتمضغ تحت الضروس  
بغموس !

\* \*

بافكر جناين بكرة تبقى لين  
وامتى نكسّر الزنازين ؟  
ونطير نوارس الرزق  
تونس مراكب الصيادين

وهل نعود بكرة نمشي ع الكورنيش  
هل ما أرجعش  
يَعقل .. ولا نغنيش  
يا شمس السنين البكر!

خدتك - حبيبتي - في ضلوعي  
وخوذتي في دراعي  
خفيت عن الزمايل كل أوجاعي  
وقالتي ( سعيد ) :  
” بنتي ( منى ) الأجازة الماضية  
خطت خطوتين في البيت  
ياريت أوصل أشوقها  
وارجع قوام ! “  
( عبد السلام ) صامت  
تقوم الدنيا على حالها  
عنها ما حطت ولا نامت :  
” سيبك بلا سينا بلا غيرها  
اللى عايز يزرع فيها



يبقى يعدى لها  
ياخدوها .. ياخدوها  
مش هي رملة زى اللي احنا فيها  
تغور بلا دوشة !! ”

\* \*

كان الكلام ده من ورا قلبه  
لإن الباشجاويش ( عبد الجليل ) قال له  
عن الشهدا .. اللي جنبه  
وقعوا فى الحروب الماضية  
وحكى له ح الصول ( فريد )  
على كل أشجانه  
وكان ساعتها بيجز على لسانه  
وكانت اسنانه  
بترتعش رهبة  
يدفن نظرتة فى الرمل

\* \*

إحنا بنكره صحيح الحرب  
لكنّا بنكره أكثر كل جّارها

واللى بيبنوا من وراها قصور  
ويلبسوا بدل السهر غالية  
من عرق اللى مش لاقين  
... بفتة ولا دمّور  
اللى بيبنوا بيت ميت دور  
من دمنا .. إحنا الفقارى  
من عضمنا المرمى فى الصحارى  
تتقل خزنهم الحديد .. فى أوربا واميركا  
واحنا نكون الضحية  
لو العساكر تعرف  
تنطفى كل الحروب الجاية  
تزهّ جناين السلام  
وتدفى الفرشة !

\* \*

الغربة وحشة  
وحين ما الليل بيضمنى باعطش  
للملامح النبية  
والصوت المستحى . والإيد

بتتمد خجلي ، والمواعيد  
أنا باحب الزهور ، والبحر ، والعصافير  
زيك تمام  
باكره الدانة والصاروخ والموت  
الرمل الكثيب  
والصوت  
.. لما بيبجي ومعاها الكفن والقبر  
الشمس في "الوحدة" دي قاتلة وكُفر  
وأنا هنا ع الرمل  
لا في ضلة ولا كُفر!

\* \*

مع الزمايل في انتظار الحرب  
( أبو الفتوح ) إيده لم تفارق خده  
و ( حجازي ) خلاني كتبت جواب  
وفي انتظار عشرين م الشهر  
جل مايقبض ، يشتري "بوستة"  
ولا يمدش إيد  
و ( سعيد ) بيحكى عن "منى" بنته

لون الضفيرة  
والعينين  
والصوت  
و (مصيلحي) مات من قيمة يومين والده  
بعثوا له تلغراف . ومانزلشي  
فرت دموعه العزيزة  
بلت الرملية  
وانا هنا بلا صفصافة أو ضلة  
الريق ملوش قلة  
باقابللك كل يوم . واحكى لك  
طالت الغربة  
فى الميعاد . بآجى . واغنى لك  
واقعد على غيلك  
وامسح غفار الانتظار !

\* \*

١٩٧٥/٧/٢٠  
الخمسة

## صور من سيناء

(١)

هو نفس الرمل الاصفر

تغرف الكف المشقق

.. يتملى شظى وبارود

هو نفس الرمل بارد

يدبّل الجثة . يمص العود

وهو

هو نفس الرمل وهجه

يلسع الوجه الودود

زى رمل صحارى ياما

إنما أصل اختلافه

يوم ما هتقوم القيامة

منه يُبعث نص شبان الكنانة !

(٢)

انزع القدم المسافر  
وان نهجت . اتعب . ومد  
.. وقوم . وعافر  
إمسح التعب الذليل  
من وش آلاف العساكر  
إنزع القدم الثقيل ثقل السنين  
والعرق من ع الجبين  
إمسحه . والفاخة قولها  
وان تذكرت " ياسين " رتلها . قول  
خت منك عمك المقتول .  
في أول حرب قامت  
جنب قدمك إبن عمك  
بين راقات الرمل صامت

\* \*

أيه تشوفه إلا رقعة من صفيح  
ختها مات الجريح

مات فى قلبه رعىشة الإيد فى المسا  
تمسح على شعر الوليف  
آه .. يا رمل نضيف نضيف  
أمسكك . جرى . تسرسب  
أحكم القبضة  
بتنزل بين صوابعى خفيف خفيف  
آه .. يا رمل نضيف نضيف  
فيك باشوف دم ابن عمى  
توب مراته الكحل يوم ما خبره  
.. جمّد الساعد . ودمى  
والعيال الخمسة بعيون تايهة تسأل  
عن شتا الصيف  
وأزهار الخريف  
أعشقتك أم أكرهك  
آه يا رمل نضيف نضيف !

(٣)

يا رفيقى اطوى الخريطة  
اطوى ألوانها الزهية  
واقرا فى الصفحة الممينة  
اطوى أوراقها بلونها البحرى الأزرق  
والمراعى السندسى الخضرة .. الزتونى  
الصحارى الصفراء أغنى م الذهب  
الورق ف إيدىك يغالطك

\* \*

هل عنيك وقعت على جثة شهيد  
هل لحت الإيد بتتصلب على المدفع  
وتخرس  
والنفس م الصدر يخلص  
والعيون مصلوبة ع الشمس الجريحة  
المواويل الدبيحة  
هل سمعت الآهة واحة مستباحة



بين ما يغطس الطير الحديدي  
جاية . راحة  
يا رفيقى اطوى الخريطة  
لما ماتوا رفاقى  
كات الموتة صعبة مش بسبطة !

(٤)

تنفجر دانة هنا  
بيت ينقلب آخر الصعيد  
منجلة غلة بتسقط فى العيدان دى  
ينشف المحصول . ويزرق الوريد  
تنفجر دانة هنا  
يطلعوا النسوان فى كل خميس بجود  
يلطموا الصدر المكرمش . والحدود  
كان رضع منه  
خدوه الخدمة . ماخفشى يعود  
يلطموا الصدر الطرى

- " بعد غيبتك يا حبيبي  
الليالي الخلو صبحت سود "

تنفجر دانة هنا  
يستم ولد سايق المواشي ترعى فى البرسيم  
.. ويصبح رب عيلة  
تبدأ الليلة حكاوى " عقلة الصوبع " هزيلة

تنفجر دانة هنا  
يتملى جيب أمريكانى بالدولارات الكثيرة  
ويزيد رصيده  
يغتنى أكثر  
ويقدر يشتري ناطحات سحاب  
سيارات فارهة . يرافق حسناوات  
من تمن دم ابن عمى  
وابن عمك اللي مات !

(٥)

لما صح الريح . رد منى بالخيا  
كنت جوه الحفرة باحلم بالضيا  
بالضفاير . والرغيف  
بالريبع يطوى الخريف  
بالجنابن . والزهور فوق العتب

كنت باحلم  
بالوطن لأم جراحه  
بالخياة لاولاد صحابي اللي راحوا  
طال بي حلمي . وفي الصباح  
لما صح الريح . ردمني بالخيا  
شلت بكوريكي . ورميت  
التقيت الصحرا منى هي ..  
.. اللي انا امبارح عارفها  
فيه شهيد إتعرى  
ريح بتشيل هدومه

أربعة زمائلي . غطوه ردم  
قال أصغر مافيههم  
يا ترى راح يندفن كام مرة تاني ؟

١٩٧٦/١/١٠

أبو وقفه - سيناء

## وتدق قلوب العصافير!

"إلى الإسكندرية : بحر وبنات"

(1)

العيد بالونات , زغاريط , حواديت خضرة

دمع الأيتام

الحرب انفجرت صابت أرزاقهم

ابكى ع البيت اللي انهض ومال

ولا ابكى روح أمواتهم

بكانى الطفل وكان ببشاورع المراجيح

ما املكش حصان الريح

الكلمة صبحت من غير جناحات

نقش فى عمدان الصخر

دقاتر الحوانيت

حنيت للكلمة الطلقة

وللحرف الدم  
حنيت للهجة الأم !

(٢)

الباطو الفرو الجاي م القطب  
النشال الأسمر قلب الحازين  
أنا فين : بين البتارين العطر  
وبين بيتها المنقوع في الطين

\* \*

أول ما طلعت "المثرو"  
اتخبطت إيدي ف نهديتك  
وفتحت عيوني دهشة  
وسكت استنظر تعيقك  
ميلتي على وسط الخلق  
كانت ف إيديكي وردة  
منزوعة الأوراق والضى  
وأدى ساعة فانت

من لحظة ما نزلنا  
مشيننا ع الرصفان فى الحى  
غنيتى وكنت اتصنت قلبك حزنان  
خجلان  
ده اليود شميته على شط الشاطي  
نشفت أشعارى فى كتبى  
وتركتك من غير ما اديكى العنوان !  
أو أحكى قصة موتى  
وسكوتى ع المكتوب !

(٣)

الأيدي البضة مرصوصة خواتم  
ومياتم فى خميس الرحمة  
حسنة للمرحوم  
محروم م السوق  
مقفولة فيه البسمة . والدكاكين  
- أنا ابنك يا اما ولا ابن حرام ؟

وحرام الخوض فى العرض  
وسيرة الناس  
ونزلت البحر . ازرق الرب ف عينى  
وحنينى لبكرة اشتد  
اترد الباب المفتوح  
واتحدت إيد حطت على بقى كمامة  
يا حمامة "نوح"  
مررت ع الباب ده ياما  
باستنى مجيك  
وساعتها يترد لجسمى الروح !

(٤)

أنا من غير عم ومن غير خال  
نخل بيتهز ما ينزل منه التمر  
الحر هرانى  
دوخنى اليوم مقتول البركة  
مهدود الحال



قدمى حطيته على أول عتبة  
جاء من غير أحمال  
سرقوتى التبر . المسك . الخز .  
حرير الهند . وجيت بطال  
خبّطت بكفى على أول باب  
نقرت طاقات البلدة  
رد عليه سكات  
يظهر إني فى مدينة للأموات !

(٥)

الرب ادانى "الصبر"  
وخذ أسماء تسعة وتسعين  
الباطو الفرو الجاى م القطب  
الشال الاسمر : قلب المحازين  
وانا فين خطوى وطريقى  
ريقى ما يتبلّش بالكلمات  
الكلمة صبحت من غير جناحات

أنا خدت البحر دليلى  
وليل زوارقه من غير مجاديف  
أنا كفى صوابه خيلة . وعصافير  
نوافير . طوابير عسكر . تزرع ماعوتش  
أنا شفت العش القش المهذوم  
فأمنت بصدق اليوم !

. (٦)

الليل عش نجوم السموات  
اتعتر الصمت ف ودنى  
بنجاح الكلب المرعوش م الجوع  
وبدق قلوب العصافير  
لو اقدر اطيير  
واشتال على طرف جناحي حمامة نوح  
لو اقدر اخلى النوح  
.. ضحكات  
لو اقدر ادري كلامى

والله سنابل قمح وشمس  
قمر عطشان  
ينابيع . ألحان  
ورائيات من فوقها رصاص خريز  
لو اقدر اطير !

(V)

من همى وشيّلت حروفى خطيئة الكون  
أنا أدرك إنه جنون  
توهنى الحزن الساكن جوه جفون الأيتام  
دوخنى الصوت المتلون  
والحرف الميتور  
النور آتى .. النور  
بنورة الساحر وعصايته الأبئوس  
التتر . الفرس . الروم . الهكسوس  
وحوافر خيلهم على صدرى  
صدرى هبطان

أنا وسط ضجيج الناس همدان  
أنا وسط الزحمة غريب  
وف عز يؤونة بردان  
البرد ثقيل . والليل يا اصحابى غطيس  
غطوني بحرف  
بكلمة  
بكل معانى القواميس !

\*

١٩٧٤/١١/٢

مركز تدريب المشاة - المعادي

## اللعبة

للوطن دمي

وع الأرض السلام

الخروب

بتجوب أراضى الكون تطوف

فوق عواميد المعابد

تطمس المعنى، وتنشق الحروف

تخدش الكلمة / الحجر .. من غير زمان

والحكمة مقطوعة الأيادي

ف وشها قافلة الببيان .

\* \*

طيف المجاعة

خش قاعة ..

.. مكيفة علشان يموت

كسر التابوت

وخرج ببطن وسبعة . ماقدرشى يفوت

\* \*

نام الأفارقة

ع النجيلة اتبيست

نخ الجمل . وطب مات

وكان (روبرتو) هناك بعيد

يعيد على رفاقه بطولته من جديد

طيار ف فيتنام . طار ودار يصنع غارات

ولما اتعانقت على المعصم عقارب الساعة

ارتعشت إيديه

قام من سكات

ولع سيجارته بـ (مارك) شفته مش جنون

اتفحمت ابنوسة في الأمزون

و (جون) ..

خط النيشان على بدلة السهرة برق

خطف العيون

فى الحفلة خاصر بنت وحكى لها اللى كان

" سرى الجعان

اتغدى يوم

بمدينة سكانها م الأقزام "

ونام

على كتفها

صحت المدينة تبنى ما بإيده انهدم

وتدق أجراسها : سلام

\*

للوطن قلبى

وع الأرض الحبة

كل دبة غلقة ع الأرض حاسبها

نورس البحر نشف . الموج طواه

ارتفع صوت ملاحين البحر .

مواويل صبر فارغة

خوخت منجاية ع الشط . انحنت

هسهست نسمة . بكت

إنما الشمس ف ميعادها نُورُت  
فى الغروب - برضه - اختفت  
شفتها بتغوص حزينة  
زى خنجر شق فى ضلوع المدينة .

\*

للوطن نفسى  
وع الأرض العبيد  
شفتهم بعيون جريئة . من جديد  
الملاحق قاسية . مَزَّق الوريد  
الحناجر راعدة . رافعة ميت شعاع  
( الرغبة . الحب . الكلمة . النهار )  
شفت كلمتهم بتترجم لغات  
شفتها شابة وشجاعة  
شفت كلمتهم فى قلب القاعة  
رجاها .. ما بين النافورات  
بعيد ع الفاترينات  
شفتها بين الشفايف ميتة



وسط قهوة العواجيز مُباعة

\*

لما فى الضلّمة تدور اللعبة

ينساق الرجال

- لو تشوف - قطط وليدة مغمضة

" اضرب فى صدره قبل هو ما يضريك

وموته قبل مايجي يموتك

ويفرتكك

ولك حقيقى الفخر والمال والخلود "

تعمى العيون

زى ما تكون خارجة م الضلّمة

.. لضى بدون حدود

تضرب الصفارة إنذار

بندقيتك طلقة . والمدفع دانات

يبتدى هنا الموات

\* \*

ع الموائد البعيدة

يحسبوا اللعبة النهاردة جت بكام  
م البشر . والدولارات !

\*

للوطن روجي  
وع الأرض الحياة  
طففت فى الدنيا باغنى للجباة  
فوق بترفعها السواعد طالعة نازلة  
السواعد اللى ماتاخدش وبازلة  
طففت . شفت ف كل بلدة مغنى زى  
بالكمنجة يغنى لزهور الفراولة  
كنت وحدي بنص إيد  
كنت وحدي بنص عين  
كنت اغنى بدون شفاه  
سرت من غير قلب  
أبحث عن مفاتيح المدينة  
ع الحقيقة . كفى دق كل باب

\*

فلتكون القسمة عادلة  
تشرب الكلمة الحقيقة ترتوى  
وامشي وسط الشعرا  
صناع الدروب  
شمس بازغة  
مش غروب !

\*


١٩٧١/١/٢١

أبو وقفة - سيناء



## طلة من الشيش

- السويس ٦٩
- كرسى فاضى
- غضب
- رقصة
- زقاق قديم
- مطر
- نور
- شك
- متهم
- شعرة بيضا
- فدان شطة
- فستان
- الخفيف
- ماركيز
- ناس
- مناخوليا
- حادث عرضى



الدم مغرقنى

من صابع رجلى لراسى

بالقط بصعوبة أنفاسى

وأمر بصوابعى على لحم الخيطة

بازحف . وصراخى مالىنى

بدون أى حذر أو حيطة

أنا شايف جسم ممد

فى الحفرة اللى قصادى

الموت أقرب من جبل ويردى

مش قادر اخطى بقدمى

أو أمد له إيدى

لكن لما صرخت : يارب .

سمعت صدى أنفاسى

فريت دفتر إمبراح  
فلقيتنى مرة مذبوح  
والثانية ع الرقية السكينة  
حطت ع القلب سكينة  
لما عرفت ان المدفع اللى قاصدنى  
أضيق من إنه يموت كل الناس  
أغبى من إنه يحصى ..  
.. جميع الأنفاس  
وضحكت بمرارة  
لما المدفع ١١٥ مللى ..  
.. كان يرمى قنابله  
من تانى ع الحارة !

\*



## كرسى فاضى

ماقدرشنى قلبى يحبس الفيضان

كل المواسم داخله توارىخى

وأدى كرسى فاضى

ع الشطوط قلقان

واقف .. وباستنى صديق

الموج طواه ولا الغياب

سمان ولسه بيتحدف

يطويه شبك

مين أغضبك

يا بحر .. بتكون مصيدة

لازرق بينده للحباب

جل لحظك من لقا

والريح يمسح خد ربح الرمل  
بيقول كلمته .. ومن سكات  
بيطوح الكرسي الوحيد  
وبيدفنه وبا القواقع والصدف  
وبعد شهر من الغروب  
.. بيكون غياب  
هو كده برضه  
الجروح تتداوى  
وأئين العذاب ؟!

\*

## غضب

غضبان كعادتي  
في شنتطتي غيارين ومشط  
وميت قصيدة  
وحلم كحلي  
ریش حمام . ووردة بيضة

\* \*

غضبان كعادتي  
وف انتظار قطر السفر  
بيوت كتيرة بتراقبني  
والشبابيك بتعاتبني  
إنما مفيش رجوع  
محتاج - ومن تاني - أجوع

أرجع أحس القلق  
وأجرى على اللقمة  
ويغسلنى العرق  
ويهدنى - بالفعل - مشوار التعب  
غضبان  
عشان انا من زمان  
نسيت صحيح طعم الغضب !

\*

## رقصة

إلى السيد النماس.. بلا مناسبة

جوه ضلوعي طيور وبتحب الغنا

.. والرقزقة

أنا نفسي أرقص .. مرتين

وأخرج من الأود ..

.. اللي لسه ضيقة

رقص يخطى ع البحور والأفدنة

رقص يصب بهجة

.. ف أيام السنة

لكني فعلا بانكسف

باخجل

.. واداري نزوتي فيك يا ورق

ياللي نزعنت سرى منى

خليته علن

\* \*

وادينى بادفع التمن

أدخل فى شرنقتى اللي قد البندقة

ولما بيفيض بى

أرجع واعترف :

جوه ضلوعى طيور

ويتحب العُنا

والزقزقة !

\*

## زقاق قديم

بلاط مربع فى الزقاق  
وبيت بيتسند على كتف الزمن  
لما باخطى  
قلبي والله يرجف  
هنا حبيت .. وبكيت هنا  
حبيت . وماكرهتش فى يوم  
" عبده " الحسودى دكانه ماعادش ليه أثر  
وده كان يبص البصة ..  
يجروا يبحروا  
.. بعد ما ياخدوا من كمه أتر!  
\* \*  
شباك ومفتوح من سنين

لا عاد على المنتشر هدوم

ولا كلام

بافوت وبارمى ع الحيطان

بالإيد سلام

أشعر بإنى انتمى لعالم قديم

مليان دفا

كله حنين

لكن الفؤاد اللي سكن

والضحك اللي يمر فى عباية الزمن

ليه بيخايلنى بالاشتياق

بلاط مربع فى الزقاق

\*



## مطر

"إلى أنيس الببّاع : شعريلا حدود"

حس المطر ع البيوت

وأنا حسى جوابا

حاسس كأنى باموت

وبارد الآيّة

وحيد برغم الزحام

القلب بارد رخام

ألمى ببصحي

.. وأنام

فى الحلق عُصّة وحروف

\* \*

حس المطر محزون

بللّ في ورق اللّمون  
والريحة هلة علينا  
ساوى الأّلم يا أّينا  
وان تنده الشمس علينا  
لنرد غول الموت  
ونقول ما عادشنى سكوت  
هاتى الخرق .. والطسوت  
وتعالى يا داية !

\*

## نور

وياحب النور

العصافير

.. على جبل غسيل منشور

تنهيدة بياع العسلية

بتطلع رابع دور

وياحب حاجات مش ممكن أذكرها

وحاجات تانية باقولها

في قصايد

تسببها المارشات النحاسية !

\* \*

تمنعني المسافات من قول الشعر

خبسني الكلمات

.. بين قضبانها  
وبيوت أصحابي لسه فاخة أبوابها  
تغمق الحارة كل ما اقرب منها  
وتغمض عينها  
ساعة ما أبص لبناتها وصبيانها  
ده لاني باتأمل  
.. تقاطيع الوجه بحبور  
وياحب النور !

\*

شك

زمان غرقت في بحر اليقين  
كنت أظن إنني أعرف كل حاجة  
واستكين  
للمعرفة الضريرة  
والحقيقة .. اللي ما تعرف زلزلة !  
ولما جف نيلي مرة  
وبعد مدة إتلى  
حاصر العقل كتير م الأسئلة !

\* \*

خييط شمسنا  
كنت أعرف مبتداه  
.. من منتهاه

دلوقتى تايبه فى الخريف  
يتوهنى السؤال ما بين بداية الألم  
أو نهاية الآه !

\*

## متهم

كل البنادق

مصوبة على قلبه

كل الرصاص

ناوى يسكن جنته

مين فيكوا يعرف تهمته

ومين يقيم له محامى

ينفى عنه الإتهام ؟

\* \*

كل المواسير الحديد

مصوبة بإحكام

الشخص ده له ملامحى

وأكل من نفس شعيرى وقمحمى

حتى التجاعيد على وجهه

تدلك على إنه من ألف عام  
لم نام

\* \*

كل البنادق  
مصوبة بإحكام!

\*



## شعرة بيضا

\* إلى د. عبد صالح.. طبيب لنصف الوقت..  
شاعر لنصف الوقت.\*

شعرة بيضا

بتضحك للسواد . وتستخبى

بتكشف ثقل الزمن

حبة بحبة

\* \*

لما بص فى المراية

قلبه انقبض

شافه ابنه اللى لسه بيحبى

شد رجله . لكنه ماضحكش

وشيء جواه الجرح

فى امبارح سرح !

\* \*

وقتها افكر صحن المش  
والرغيف اللي يملس طبلية  
قعدة الارض ..  
وعيدان الملوخية ..

\* \*

استدار للجدار  
لقى صورته بتضحك  
بدون سنة ذهب  
والابتسامة  
زى لبلابة وشادة  
شعرة بيضة  
بتعافر  
وتضحك للسواد  
وبتستخبي !

\*

## فدان شطة

### شنطة

وفيها وردة من ديسمبر

لسه جواها عبير

و "عبير" دى بنت عرفتها

وقعدت وياها زمان ع الكورنيش

شربنا عرقسوس

وماكانش وياها فلوس

فأكلنا ترمس

وانطلقنا عصفورين

\* \*

بعد عامين

أنا شفتها

جوه سجن اسمه الزواج

وفدائين شطة حوالها

وبنوار من زجاج

فعرقت إن القصة ..

.. داخله ع الختام !

\*

## فستان

فستان أحمر

لونه بلون الدم

لونه بلون الورد الجورى

وماتسألنى أبداً عن دورى

فى المشهد اللى هتشوفه الآن

أنا أبقى الشوك

.. اللى حوالين الأغصان

وماتيش المية اللى تندى

.. فى الصبح العطشان

\* \*

فستان أحمر

وخجل ع الخد رقيق

مستعجل ليه يا زمن . خليك إنسان

إستنى لما اتلّى ف ملامحها

الوردة أو البنت

الذكرى أو الكلمة الحلوة

اللى انا بيها آمنت

\* \*

فستان لون يومى

وعرى خيابتى

أقدر اقول إن ده آخر لحن

فى ربابتى

أو آخر خيط فى الفستان !

\*

## الخفيف

باحسد الأميين

لإن الكلام لسه عندهم غامض

أما كلام المثقفين

في كل ندوة تلقاه حامض حامض

والأزمة مش في الحروف

أو ترتيب الألفاظ

الأزمة في النفوس

\* \*

فيه ناس بتشوفك حيران

تعزم عليك بكباية عرقسوس

وناس تشوفك عرقان

ترقك لنار جهنم

أو تنخر في سيرتك : سنوس !

\* \*

يا حسد الأُميين

في يقينهم العجيب

ويا ضرب كف بكف

لا أنا قادر أبقى زيهـم

ولا أنا قادر أقف مع المتعبيين ثقافة

.. في نفس الصف

دلوقتي أقدر أعرف

ليه ”جيب سرور“ عقله خف !

\*



كان فاخ بيته

ومقضى كل مطالبه

ومسدد تأمينه وضرايبه

ومركى

.. قبل عشرة من رمضان

والناس عارفينه .. إنسان

ماشى بما يرضى الله

والحكام

والحزب آياه

الحزب اللى هو أمينه

وعلى رأى زميلى "محروس"

هو برضه مش واخذ على أكل العيش الفينو

دوغرى

ومحافظ

.. على أحاسيس الناس

وف مرة بعد ما نام واتغطى

وجدوه - الناس - تانى يوم

نسناس !

\*

الناس هتموت بعض  
والأرض بترمي الغلة ببغض  
الأبريق : المية بتغلى جواه  
وكتاب متزين بالرسومات منفوخ ببهاه  
الطفل يئن . ينطق الشيخ آه  
وغبار بيطوف على كل مدينة  
وأدى بنت رقيقة  
.. على أناملها بتعض  
مش راضية تبوس الورد  
أو تركن على إفريز الشباك الخد

\* \*

الناس هتموت بعض

علشان ماتعيش فى رخا وبحبوحة  
مش عارفة ان النكلة اللى كانت فضة  
صارت بإيدى الخلق مسووحة  
دى مصاير وحكاوى أقرب للقهر  
وف أول أيام الشهر  
بياع الروبايكيا بيقوت  
والخس بيوطى جنب منادر بيت متنكس  
لما يبعد بيلقط تانى القوت

\* \*

الناس هتموت بعض  
مع انها خرص دايم ع الفرض  
وتشاور ع الناشز  
وبتطلب دبحه فى العلنى والسر  
وبتخلط الطين بالتبر  
وتعلق يافطات عن فضل البر

\* \*

مش عارف

ليه القلب المتحجر  
مش راضى يلين  
النفس المتسامحة ازاي يخفوها عن العين  
مع طول النظرة بتتخض  
والناس عايشة .. مع بعض !

\*

## مناخوليا

صاحبى د هوه  
آخر مناخوليا  
الجوز تسعة  
أربعة ، فاربعة ، فواحدة  
لكن بعد المنشوار إياه  
لساه حاسس بالوحدة  
والسر إنه كان فاكرا النسوان فراديس  
أو بساتين فاكهة  
فأصبح هو "الميس" !  
دلوقتى بعد طلاقهم  
وقَّعاده لواحدة  
اتفرَّغ للعمل الحزبى

## والتنظيم

- مش تنظيم الأسرة ..

إنما تنظيم الجماهير -

ويسافر - ويا أوراقه - أبعدھا مشاوير

وأخرھا فصلوه

بعد ما كان آخذ كارت مبايعة

والحجة :

إن كل الأعضاء اللى استقطبهم

كانوا نسوان ..

.. م الفراديس الضايعة !

\*

## حادث عرضى

البنـت دى من غير نهوود  
أو بالبلدى بزاز  
والقصـة دى من غير حبكة  
أو لحظة تنوير  
أما القصيدة اللى هى عجينة ف إيدى  
فمش عايزة تطلع برؤية أو ظل خطاب ؟

\* \*

لذلك أنا فكرت أغير البنـت بالقصيدة  
وأبـادل النهود بأول ٣ سطور ..  
.. من القصـة !

فمارضاش الرقيب اللى جوابا  
ولا صاحـبى الناقد .



.. اللي بنضارة إزاز

فخدت بعضى

وقعدت اتشمس من ورا لوح

.. بيكشف لون البحر التركواز!

\* \*

وفجأة لقيت البنت معدية

بدون حبكة

والقصة بدون بزاز

أما القصيدة اللي انا كنت ناوى اكتبها

فكانت متاخدة خرى

وف إيدها الكلابشات

رحت وراها بحس فضولى

مسكونى

سألونى : الحبس أو الجواز!

\*

## الفهرس

7	الامضاء.....
9	* نتهجى الوطن فى النور.....
11	أوراق منسية.....
17	الأرض : فاس جديد.....
23	وطن.....
27	شاهد.....
33	أغنية حب.....
45	* رسائل منقوشة على جبين الولاد.....
47	ندا الأرض.....
53	الرحلة الأخيرة.....
64	اعتذار لسليمان الحلبي.....
75	عطش البرتقان.....
79	خصوصية.....
85	سكة حضارة.....
89	غنوة الطباشير.....
97	* تقاسيم الحزن والفرح.....
99	بتارين.....
105	شعاع.....
110	الفكرة.....
119	الوصية.....
122	حارثى ساكنة.....
127	أسود وأبيض.....

130	..... قلبى الوضى
135	..... * عقار الخنادق
137	..... فى الخندق
145	..... صور من سيناء
153	..... وتندق قلوب العصافير
161	..... اللعبة
169	..... * طلة من الشيش
171	..... السويس ٦٩
173	..... كرسى قاضى
175	..... غضب
177	..... رقصة
179	..... زقاق قديم
181	..... مطر
183	..... نور
185	..... شك
187	..... متهم
189	..... شعره بيضا
191	..... فدان شطقة
193	..... فستان
195	..... الخفيف
197	..... ماركيز
199	..... ناس
202	..... مناخوليا
204	..... حادث عرضى

رقم الإيداع : ٧٣٦٤ / ٢٠٠٠

شركة الأمل للطباعة والنشر  
(مورافيتنى سابقا)